



Broj predmeta: 02-000049/20
Broj akta: 01.1-1141SM-241/20
Datum, 13. 5. 2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 13. 5. 2020. godine i z d a j e

N A R E D B U

Član 1.

Učenici srednjih škola i studenti visokoškolskih ustanova s teritorije Brčko distrikta BiH, koji se školuju van granica Bosne i Hercegovine, oslobađaju se plaćanja troškova 1 (jednog) testiranja na korona virus (COVID-19).

Član 2.

- (1) Pojedinačni zahtjevi za testiranje lica iz člana 1. ove naredbe, uz prilaganje dokaza o školovanju van granica Bosne i Hercegovine, podnose se Odjeljenju za zdravstvo i ostale usluge – Pododjeljenju za javno zdravstvo počevši od 14. 5. 2020. godine, putem pošte na adresu: Vlada Brčko distrikta BiH – Bulevar mira 1, 76100 Brčko distrikt BiH ili lično na šalter broj 6 ili 7, zgrada Vlade Brčko distrikta BiH.
- (2) Termini za početak testiranja će se naknadno utvrditi kada se zaključi ugovor o pružanju usluga s referentnom laboratorijom koja će vršiti testiranje.

Član 3.

Novčana sredstva za testiranje iz člana 1. ove naredbe isplatit će se iz Budžeta Brčko distrikta BiH za 2020. godinu.

Član 4.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Odjeljenju za zdravstvo i ostale usluge
 - Pododjeljenje za javno zdravstvo
5. Sekretaru Vlade (3x)
6. Svim odjeljenjima Vlade (12x)
7. Uredu gradonačelnika / Inspektorat
8. Policiji Brčko distrikta BiH
9. Članovima Štaba (34x)
10. Ministarstvu sigurnosti BiH, terenski centar Brčko
 - Služba za rad sa strancima, Trg mladih br. 8
11. Ministarstvu sigurnosti BiH – Granična policija BiH
12. Institucijama Brčko distrikta BiH (8x)
13. Javnim preduzećima, fondovima i Zavodu (7x)
14. „Službenom glasniku Brčko distrikta BiH“
15. Arhivi.

GRADONAČELNIK

Mr. sc. Siniša Milić